

სახელმწიფო შესყიდვის შესახებ
ხელშეკრულება N 02/01/22-164

24 აგვისტო, 2022 წელი.

ერთი მხრივ, სსიპ - სახელმწიფო სერვისების განვითარების სააგენტო (შემდგომ - შემსყიდველი), მისი წარმომადგენლის, ადმინისტრაციის (დეპარტამენტი) დირექტორის მოვალეობის შემსრულებლის, თამარ მთავრიშვილის სახით და მეორე მხრივ, ი.მ. გიორგი კანდელაკი- ვესტა (შემდგომ - მიმწოდებელი), „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ჟ“ ქვეპუნქტის შესაბამისად, **SPA220001866** ელექტრონული ტენდერის საფუძველზე, დებენ სახელმწიფო შესყიდვის შესახებ ხელშეკრულებას.

მუხლი 1. ტერმინთა განმარტება

ხელშეკრულებაში გამოყენებულ ტერმინებს აქვს შემდეგი მნიშვნელობა:

- 1.1 ხელშეკრულება სახელმწიფო შესყიდვის შესახებ (შემდგომ – ხელშეკრულება) – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ მასზე თანდართული ყველა დოკუმენტით, ასევე, მთელი დოკუმენტაციით, რომელზეც ხელშეკრულებაში არის მინიშნებები.
- 1.2 ხელშეკრულების ღირებულება - საერთო თანხა, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრულად და ზედმიწევნით შესრულებისათვის.
- 1.3 შემსყიდველი ორგანიზაცია (შემდგომ - შემსყიდველი) - ორგანიზაცია (დაწესებულება), რომელიც ახორციელებს შესყიდვას.
- 1.4 მიმწოდებელი - პირი, რომელიც აწვდის შესყიდვის ობიექტს წინამდებარე სახელმწიფო შესყიდვის შესახებ ხელშეკრულების ფარგლებში.
- 1.5 „დღე“, „კვირა“, „თვე“ - კალენდარული დღე, კვირა, თვე.
- 1.6 „საქონელი“- ხელშეკრულების მე-2 მუხლით გათვალისწინებული ხელშეკრულების საგანი.

მუხლი 2. ხელშეკრულების საგანი

- 2.1 ხელშეკრულების საგანია 150000 ცალი დაბადების ელექტრონული მოწმობის ასლის დასაბეჭდი ქაღალდის, მისი ჩასადები ყდისა და 70000 ქორწინების ელექტრონული მოწმობის ასლის დასაბეჭდი ქაღალდის და მისი ჩასადები ყდის სახელმწიფო შესყიდვა.
- 2.2 შესყიდვის ობიექტის კლასიფიკატორის კოდი: (CPV-22400000).
- 2.3 შესყიდვის ობიექტის მახასიათებლები და ფასი განისაზღვრება წინამდებარე ხელშეკრულების დანართით - „ფასების ცხრილი“.

მუხლი 3. ხელშეკრულების ღირებულება

- 3.1 ხელშეკრულების საერთო ღირებულება შეადგენს 108,300.00 ლარს, ყველა ხარჯის და საქართველოს კანონმდებლობით გათვალისწინებული ყველა გადასახადისა (მათ შორის დღგ) და გადასახდელის გათვალისწინებით.
- 3.2 დაფინანსების წყარო: სააგენტოს კანონმდებლობით ნებადართული საკუთარი შემოსავლები.

მუხლი 4. მხარეთა ვალდებულებები

- 4.1 მიმწოდებელი ვალდებულია:
 - ა) უზრუნველყოს წინამდებარე ხელშეკრულებით გათვალისწინებული საქონლის მიწოდება ეტაპობრივად, მისამართზე ქ. თბილისი, აკ. წერეთლის გამზ. N67ა, შემსყიდველის წერილობითი მოთხოვნიდან 30 დღის

- განმავლობაში, მაგრამ არაუგვიანეს 2022 წლის 30 ნოემბრისა, ხელშეკრულებით გათვალისწინებული პირობების შესაბამისად (თუ ხელშეკრულებით გათვალისწინებული ვადის უკანასკნელი დღე ემთხვევა უქმე ან დასვენების დღეს, მიწოდების ვადის დამთავრების დღედ ჩაითვლება მისი მომდევნო პირველი სამუშაო დღე);
- ბ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე;
- გ) ხელშეკრულებასთან დაკავშირებული ნებისმიერი ინფორმაცია მიაწოდოს შემსყიდველს წერილობით;
- დ) ხელი შეუწყოს შემსყიდველს ინსპექტირების განხორციელებისას;
- ე) განახორციელოს ამ ხელშეკრულებით მასზე დაკისრებული სხვა ვალდებულებები.

4.2 შემსყიდველი ვალდებულია:

- ა) აუნაზღაუროს მიმწოდებელს ხელშეკრულების ღირებულება წინამდებარე ხელშეკრულების მე-9 მუხლის შესაბამისად;
- ბ) განახორციელოს ამ ხელშეკრულებით მასზე დაკისრებული სხვა ვალდებულებები.

მუხლი 5. ხელშეკრულების შესრულების კონტროლი

- 5.1 შემსყიდველის მხრიდან შესყიდვების კონტროლს (ინსპექტირებას) განახორციელებს სააგენტოს მატერიალურ-ტექნიკური უზრუნველყოფის სამსახურის თანამშრომელი/თანამშრომლები, ხოლო ხელშეკრულების შესრულების კონტროლს განახორციელებს შესყიდვების სამსახურის თანამშრომელი/თანამშრომლები.
- 5.2 საქონლის მიწოდებისას გაფორმდება მიღება-ჩაბარების აქტი, სადაც დაფიქსირდება მიმწოდებლის მიერ ნაკისრი ვალდებულებების შესრულების შესაბამისობა წინამდებარე ხელშეკრულების პირობებთან.
- 5.3 ხელშეკრულების პირობებთან შესაბამისობის დადგენის მიზნით, შემსყიდველი უფლებამოსილია, საქონლის მიწოდების ნებისმიერ ეტაპზე საკუთარი ხარჯით, მის მიერ შერჩეული მეთოდით შეამოწმოს მიწოდებული საქონლის ხარისხი ნებისმიერ დროს.

მუხლი 6. საქონლის მიწოდების პირობები

- 6.1 მისაწოდებელი შესყიდვის ობიექტი შეფუთული უნდა იყოს 100 ცალიან შეკვრებად. შეფუთული საქონელი დამოწმებული უნდა იყოს მიმწოდებლის მიერ პასუხისმგებელი პირის ხელმოწერით ან/და ბეჭდით და მინიშნებული უნდა იყოს საქონლის დასახელება და რაოდენობა. შემსყიდველს შეუძლია უარი თქვას საქონლის ჩაბარებაზე შეფუთვის მთლიანობის დარღვევის შემთხვევაში.
- 6.2 მიწოდებულ საქონელთან ერთად მიმწოდებელმა შემსყიდველს უნდა მიაწოდოს შემდეგი დოკუმენტაცია: საგადასახადო ანგარიშ-ფაქტურა, სასაქონლო ზედნადები საქონლის დასახელების, რაოდენობის, ერთეულის ფასისა და საერთო ღირებულების მითითებით.
- 6.3 პასუხისმგებლობა აღნიშნული დოკუმენტის დაგვიანებით მიღების შედეგად შემსყიდველისთვის წარმოქმნილი ყველა ხარჯისთვის ეკისრება მიმწოდებელს.
- 6.4 საქართველოს კანონმდებლობით გათვალისწინებული საგადასახადო ანგარიშ-ფაქტურის მიუღებლობის შემთხვევაში, შემსყიდველს უფლება აქვს, უარი თქვას ანგარიშსწორებაზე.

მუხლი 7. შესყიდვის ობიექტის მიღება-ჩაბარების წესი

- 7.1 მიწოდებული საქონლის მიღება-ჩაბარება ხორციელდება შემსყიდველის მხრიდან ინსპექტირების განმახორციელებელი პირების მონაწილეობით, მიღება-ჩაბარების აქტის გაფორმებით, სადაც მითითება მიწოდებული საქონლის დასახელება, რაოდენობა და ფასი.
- 7.2 ხელშეკრულებით გათვალისწინებული საქონლის მიწოდებისას მხარეები შერჩევის მეთოდით ახორციელებენ მიწოდებული საქონლის ვიზუალურ დათვალიერებას ან/და შემოწმებას მოწვეული ექსპერტის მიერ, რის შემდგომაც დგება მიღება-ჩაბარების აქტი და მიწოდებული საქონელი ჩაითვლება ჩაბარებულად.

მუხლი 8. გარანტია

საქონლის შემოწმების პროცესში, ხარვეზის აღმოჩენის შემთხვევაში, მიმწოდებელი ვალდებულია აღნიშნული აღმოფხვრას ხარვეზის არსებობის შესახებ შეტყობინების მიღების შემდგომ გონივრულ ვადაში (ხარვეზის არსებობის დამადასტურებელ დოკუმენტაციასთან ერთად) და აანაზღაუროს საქონლის შემოწმების მიზნით შემსყიდველის მიერ

დახარჯული თანხა. ხარვეზის გამოსასწორებლად გათვალისწინებული ვადა მიმწოდებელს არ ჩაეთვლება მიწოდების ვადის გადაცილებად და არ დაეკისრება პირგასამტეხლო.

მუხლი 9. ანგარიშსწორება

ანგარიშსწორება ხორციელდება ეტაპობრივად უნაღდო ანგარიშსწორებით, საქართველოს ეროვნულ ვალუტაში (ლარი), მითითებული მიმწოდებლის საბანკო რეკვიზიტების შესაბამისად, ფაქტობრივად მიღებული საქონლის მიხედვით, მიღება-ჩაბარების აქტის გაფორმებისა და შესაბამისი საგადასახადო ანგარიშ-ფაქტურის წარმოდგენიდან 10 სამუშაო დღის ვადაში.

მუხლი 10. ფასები

10.1 ხელშეკრულებაში დაფიქსირებული ფასები შეიძლება გადაისინჯოს და მოხდეს ფასების შეცვლა მხარეებს შორის გაფორმებული ურთიერთშეთანხმების საფუძველზე შემდეგ შემთხვევებში:

- ა) საგადასახადო რეჟიმის შეცვლა;
- ბ) ინფლაციის მაღალი დონე;
- გ) საქონლის საბაზრო ღირებულების არსებითი ცვლილება.

10.2 ეს მუხლი მოქმედებს იმ შემთხვევაში, თუ ფასის ცვლილება აჭარბებს 5%-ს და არ აღემატება 10%-ს.

მუხლი 11. ხელშეკრულების პირობების შეუსრულებლობა

11.1 თუ მიმწოდებელი უხეშად არღვევს ხელშეკრულების პირობებს, შემსყიდველი წერილობით აფრთხილებს მიმწოდებელს, რათა დაიცვას ხელშეკრულების პირობები. თუ მიმწოდებელი, გაფრთხილების (შემსყიდველის მიერ მითითებულ გონივრულ ვადაში) შემდეგაც არ ასრულებს ნაკისრ ვალდებულებებს, შემსყიდველს უფლება აქვს, ცალმხრივად შეწყვიტოს ხელშეკრულება და დააკისროს ხელშეკრულებით გათვალისწინებული ვალდებულებების შეუსრულებლობით გამოწვეული ზიანის ანაზღაურება საქართველოში მოქმედი კანონმდებლობის შესაბამისად.

11.2 შემსყიდველს, აგრეთვე, უფლება აქვს, ცალმხრივად შეწყვიტოს ხელშეკრულების მოქმედება, მიმწოდებლისთვის შეწყვეტის შესახებ წერილობითი შეტყობინების გაგზავნის საფუძველზე:

- ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრ ვალდებულებების შესრულებას;
- ბ) მიმწოდებლის გაკოტრების შემთხვევაში;
- გ) საქართველოს კანონმდებლობით გათვალისწინებულ სხვა შემთხვევებში.

11.3 მხარეებს წინამდებარე ხელშეკრულებით გათვალისწინებული ვადების დარღვევის შემთხვევაში დაეკისრებათ პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0.2%-ის ოდენობით;

11.4 იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5%-ს, შემსყიდველს უფლება აქვს, შეწყვიტოს ხელშეკრულება.

11.5 საჯარიმო სანქციის გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

11.6 პირგასამტეხლოს გამოთვლისას არ გამოიანგარიშება ინსპექტირებისთვის გახარჯული დრო.

11.7 გამოვლენილი დეფექტის აღმოფხვრასთან დაკავშირებით (მიმდინარე და ასევე უკვე შესრულებული ეტაპების მიხედვით) ინსპექტირების ჯგუფის მიერ თავდაპირველად განსაზღვრულ და შემსყიდველთან შეთანხმებულ ვადაზე (ხელშეკრულების მე-8 მუხლი) არ ვრცელდება საჯარიმო სანქციები.

მუხლი 12. ხელშეკრულების მოქმედების ვადა

ხელშეკრულების მოქმედების ვადა განისაზღვრება ხელშეკრულების ხელის მოწერის დღიდან და მოქმედებს 2022 წლის 31 დეკემბრის ჩათვლით.

მუხლი 13. ხელშეკრულების პირობების გადასინჯვის შესაძლებლობა

13.1 წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

13.2 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

13.3 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია ორი კვირით ადრე წერილობით შეატყობინოს მეორე მხარეს შესაბამისი ინფორმაცია.

მუხლი 14. ფორს-მაჟორი

14.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და მხარეები არ აგებენ პასუხს, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

14.2 „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არის დაკავშირებული შემსყიდველისა ან/და მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით ან სტიქიური მოვლენებით, ეპიდემიით, პანდემიით (გარდა COVID19), კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებითა და სხვ.

14.3 მხარემ, რომელსაც შეექმნა ფორს-მაჟორული გარემოება, დაუყონებლივ წერილობით უნდა აცნობოს მეორე მხარეს შექმნილი გარემოებისა და მისი სავარაუდო აღმოფხვრის ვადის შესახებ, მიზეზებისა და მისი შესაძლო ხანგრძლივობის შესახებ, ხოლო შეტყობინებიდან გონივრულ ვადაში წარმოადგინოს ფორს-მაჟორული გარემოების დამადასტურებელი დოკუმენტი შესაბამისი კომპეტენტური ორგანოდან, რომელიც დაადასტურებს წერილში მოყვანილ გარემოებებს.

14.4 ფორს-მაჟორული გარემოებების დადგომის შემთხვევაში, თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს, გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნება ფორს-მაჟორული გარემოებების ზეგავლენისაგან.

14.5 ხელშეკრულების 14.3 პუნქტით გათვალისწინებული პირობების დაცვის შემთხვევაში, მხარეები უფლებამოსილი არიან, გადახედონ ხელშეკრულების პირობებს და შეიტანონ მასში შესაბამისი ცვლილება ვალდებულების შესრულების ვადის გაგრძელებასთან დაკავშირებით ან/და ვადამდე შეწყვიტონ ხელშეკრულების მოქმედება.

მუხლი 15. სადავო საკითხების გადაწყვეტა

15.1 ხელშეკრულების შესრულების პროცესში წამოჭრილი დავები ან აზრთა სხვადასხვაობა შესაძლებელია გადაწყვეტილ იქნეს ერთობლივი მოლაპარაკების საფუძველზე.

15.2 თუ შემსყიდველი და მიმწოდებელი მოლაპარაკების დაწყებიდან 30 დღის განმავლობაში ვერ მიაღწევენ შეთანხმებას, მხარეებს უფლება აქვთ, მიმართონ სასამართლოს საქართველოს მოქმედი კანონმდებლობით დადგენილი წესით.

15.3

მუხლი 16. სხვა პირობები

16.1 არც ერთ მხარეს არა აქვს უფლება, გადასცეს მესამე პირს თავისი უფლებები და მოვალეობები მეორე მხარის წერილობითი თანხმობის გარეშე. გათვალისწინებული უფლება-მოვალეობანი. დაუშვებელია ხელშეკრულებაში მიმწოდებლის ჩანაცვლება, გარდა საქართველოს კანონმდებლობით გათვალისწინებული შემთხვევებისა (ორგანიზაციის შერწყმა, გაყოფა და სხვ.).

16.2 ხელშეკრულება შედგენილია ქართულ ენაზე, მატერიალურად ხელმოწერის შემთხვევაში ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი ეგზემპლარი

მიმწოდებელთან, ხოლო ერთი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

მუხლი 17. მხარეთა იურიდიული მისამართები და რეკვიზიტები

შემსყიდველი:

**სსიპ - სახელმწიფო სერვისების განვითარების
სააგენტო**, წარმოდგენილი ადმინისტრაციის
(დეპარტამენტი) დირექტორის მოვალეობის
შესრულებლის,

თამარ მთავრიშვილის სახით,

მისამართი: ქ. თბილისი, სანაპიროს ქ. N2.

საბანკო რეკვიზიტები:

ანგ. NGE024NB0330100200165022

სახელმწიფო ხაზინა, კოდი: TRESGE22

ს/კ – 202307404

მიმწოდებელი:

ი.მ. გიორგი კანდელაკი-ვესტა, წარმოდგენილი
გიორგი კანდელაკის სახით,

მისამართი: ქ. თბილისი, აღმაშენებლის გამზირი
N55/1

საბანკო რეკვიზიტები:

ანგ.GE75BG0000000888000801

სს „საქართველოს ბანკი“,

ბანკის კოდი: BAGAGE22

კ.ნ. 01009005243

N	საქონლის დასახელება	საქონლის ტექნიკური მახასიათებლები	მწარმოებელი კომპანია	რაოდენობა (ცალი)	ერთეულის ღირ-ბა	საერთო ღირ-ბა (ლარი)
1	დაბადების ელექტრონული მოწმობის ასლის დასაბეჭდი ქაღალდი და მისი ჩასადები ყდა	1.1 დაბადების ელექტრონული მოწმობის ასლის გაცემისას იგი ამოიბეჭდება ოფსეტურ ქაღალდზე - 100 4% გრ/მ2; სისქე Φ - 125 4; სითეთრე Φ I (%) - 160.0 3; გაუმჭვირვალობა (%) 90. ქაღალდის ფერია თეთრი. ზომები 210 $\times$ 297 მმ (გაშლილ მდგომარეობაში). ქაღალდი ოთხგვერდიანია. ქაღალდის პირველი გვერდზე დატანილია წარწერა „დაბადების მოწმობა“. წარწერის ქვედა მხარეს დატანილია ვერცხლისფერი ორნამენტი. პირველი გვერდის მარჯვენა მხარეს დატანილია ვერტიკალური ვერცხლისფერი ორნამენტი. ქაღალდის/ფურცლის მეორე გვერდის ზედა მხარეს, შუაში, დატანილია სიტყვა „საქართველო“, მცირე სახელმწიფო გერბი და წარწერა: „დაბადების მოწმობა“. ქაღალდის მეორე და მესამე გვერდებზე დატანილია ვერცხლისფერი ორნამენტი (გაშლილ მდგომარეობაში ფურცლის შუა ნაწილში გადაკეცვის ადგილას ზედა და ქვედა მხარეს) . ქაღალდის მეოთხე გვერდის მარცხენა მხარეს დატანილია ვერტიკალური ვერცხლისფერი ორნამენტი. ქაღალდის პირველი და მეოთხე გვერდები ჩასმულია ვერცხლისფერ ჩარჩოში. 1.2 დაბადების ელექტრონული მოწმობის ასლი იდება ცარცირებული ქაღალდის ლამინირებულ ყდაში (300 4% გრ/მ2; სისქე Φ - 320 10; სითეთრე Φ I (%) - 116 5; გაუმჭვირვალობა (%) - 99 2). ყდის ფერია თეთრი. ყდას აქვს გადაკეცვის ადგილი შუაში. ყდის ზომები - 210 $\times$ 303 მმ (გაშლილ მდგომარეობაში). ყდა ოთხგვერდიანია. ყდის პირველ გვერდზე დატანილია ვერტიკალური ვერცხლისფერი ორნამენტი. ორნამენტის გვერდით, ცენტრში, დატანილია ფოლგირებული წარწერა „დაბადების მოწმობა“. ყდის მეორე და მესამე გვერდი ცარიელია. მეოთხე გვერდის ქვედა მხარეს განთავსებულია სააგენტოს სრული ლოგო ერთ ფერში. ყდის პირველი და მეოთხე გვერდები ჩასმულია ვერცხლისფერ ჩარჩოში და მათზე დატანილია მცირე ზომის ორნამენტირებული ელემენტები.	საქართველო, ი.მ. გიორგი კანდელაკი-ვესტა	150 000	0.40	60 000.00
2	ქორწინების ელექტრონული მოწმობის ასლის დასაბეჭდი ქაღალდი და მისი ჩასადები ყდა	2.1 ქორწინების ელექტრონული მოწმობის ასლის გაცემისას, იგი ამოიბეჭდება არაცარცირებულ ქაღალდზე (90 3% გრ/მ2; ულკჰ ანდუქს, Vშ (სმ3/გრ) - 1.3; გაუმჭვირვალობა (%) - 88 2), რომელიც არის სპილოს ძვლის ფერი (IV დ). ზომები - 210 $\times$ 297 მმ (გაშლილ მდგომარეობაში). ქაღალდი ოთხგვერდიანია. ქაღალდის პირველ გვერდზე დატანილია წარწერა: „ქორწინების მოწმობა“, რომლის ქვემოთ განთავსებულია ოქროსფერი ორნამენტი. გვერდი ჩასმულია ოქროსფერ ჩარჩოში. ქაღალდის მეორე გვერდზე, ზედა მხარეს დატანილია სიტყვა „საქართველო“, მცირე სახელმწიფო გერბი და წარწერა - „ქორწინების მოწმობა“. ფურცლის მეორე და მესამე გვერდებზე დატანილია ოქროსფერი ჩარჩო. ფურცლის მესამე გვერდის ქვედა მარჯვენა კუთხეში დატანილია ოქროსფერი ორნამენტი, რომელშიც ჩასხმულია ოხრა. მეოთხე გვერდი ჩასმულია ოქროსფერ ჩარჩოში. 2.2 ქორწინების ელექტრონული მოწმობის ასლი თავსდება ქაღალდის ლამინირებულ ყდაში (200 3% გრ/მ2; ულკჰ ანდუქს, Vშ (სმ3/გრ) - 28 0.03; გაუმჭვირვალობა (%) - 96 2). ყდის ფერია სპილოსძვლისფერი (IV დ). ყდის ზომები - 210 $\times$ 303 მმ (გაშლილ მდგომარეობაში). ყდა ოთხგვერდიანია. ყდას აქვს გადაკეცვის ადგილი შუაში. ყდის პირველ გვერდზე დატანილია ოქროსფერი ჩარჩო. ამავე გვერდის ცენტრში არის ფოლგირებული წარწერა - „ქორწინების მოწმობა“, რომელიც ჩასმულია ორნამენტირებულ ჩარჩოში. გვერდის ქვედა მარჯვენა კუთხეში დატანილია ოქროსფერი ორნამენტი. ყდის მეორე და მესამე გვერდები ცარიელია. ყდის მეოთხე გვერდზე დატანილია ოქროსფერი ჩარჩო. გვერდის ქვედა მხარეს განთავსებულია სააგენტოს სრული ლოგო ერთ ფერში. მოწმობისა და ყდის შესაკრავად გამოიყენება ლენტე (ქსოვილის ფაქტურა: გროსგრანა; სიგრძე 70 2სმ; სიგანე 6 1მმ; ფერი - ოქროსფერი).	საქართველო, ი.მ. გიორგი კანდელაკი-ვესტა	70 000	0.69	48 300.00
3	ჯამი					108 300.00